



MEMÒRIA JUSTIFICATIVA deth contracte

Contracte "Senhalizacion d'ua rota interpretativa en Arties, Garòs, Gessa e Unha (Arraïtzes d'Aran) en marc deth Plan de Sostenibilitat Toristica d'Aran".

Unitat estructurau

TORISME- PLAN DE SOSTENIBILITAT TORISTICA DERA VAL D'ARAN

Valor Estimat deth contracte

53.102,93 €

1. Objècte deth contracte.

El Conselh Generau d'Aran a eth besonh de realizar era senhalizacion d'ua rota interpretativa en Arties, Garòs, Gessa e Unha (Arraïtzes d'Aran) en marc deth Plan de Sostenibilitat Toristica d'Aran, pes següents motius:

1. Arraïtzes d'Aran ei ua prepausa que preten amielhorar, revalorizar e promòir es camins tradicionaus que unissen es pòbles d'Arties, Garòs, Gessa e Unha.
2. Aguest projècte prevé actuacions en municipi deth Naut Aran damb er objectiu de meter en valor eth patrimòni etnologic e culturau mejançant er hilat de camins istorics.
3. Eth projècte contemple era creacion de diuèrsi itineraris tematics que destaquen eth patrimòni existent
4. Era rota que se prepausa preten reconéisher e revalorizar es elements culturals, istorics e etnografics que definissen eth paisatge deth Naut Aran: arquitectura rural, glèises, patrimòni agrari, ramadèr e forestaus, e camins de peira seca.
5. Es accions principaus a amiar a tèrme ei era senhalizacion direccionau, normativa e interpretativa entara recórrer era rota e era creacion des contienguts e grafismes.

2. Insuficiència de mieis.

Eth Conselh Generau d'Aran non gaudís de miejans umans (personau), materiaus, ne logístics entara bona execucion deth contracte miste de "senhalizacion d'ua rota interpretativa en Arties, Garòs, Gessa e Unha (Arraïtzes d'Aran)" per çò que resulte deth tot de besonh era contractacion der objècte d'aguesta licitacion.

3. Division en lòts.

Aguest contracte non se dividís en lòts cossent damb er informe tecnic emetut en vertut de çò que dispause er article 99.3 dera Lei 9/2017, de 8 de noveme, en tractar-se d'ua soleta rota tematica e qu'a de mantier era sua uniformitat en tot eth sòn recorrut.

4. Impòrt dera contractacion, valor estimat deth contracte.

Eth pressupost base dera licitacion d'aguest forniment e servici, ascendís ara quantitat de seishanta quate mil dus cents cinquanta quate euros damb cinquanta cinc cèntims (64.254,55 €); eth pretz cert anterior quede desglossat en ua basa de cinquanta tres mil





Conselh Generau d'Aran

cent dus euros damb nauanta tres cèntims (53.102,93 €) e en Impòst sus eth Valor Hijut deth 21% d'onze mil cent cinquanta un euros damb seishanta dus centims (11.151,62 €).

Cossent damb era naturalesa e durada deth contracte e as previsions de modificacions previstes, eth VALOR ESTIMAT d'aguest contracte ei de cinquanta tres mil cent dus euros damb nauanta tres cèntims (53.102,93 €)

Eth pretz s'abonarà damb cargue ara aplicacion pressupostària núm 01.432.627.03 deth pressupòst generau deth Conselh Generau d'Aran entara anualitat 2026.

5. Procediment de contractacion.

Eth procediment que se considèra mès adequat ei eth procediment dubèrt simplificat sumari per rason dera quantitat e des critèris d'adjudicacion, damb tramitacion ordinària, dat qu'er impòrt deth nomenat projècte non supèra es 60.000,00 € (IVA non includit).

6. Durada deth contracte.

S'estime era durada deth contracte de dus (2) mesi, sense que se pogue aplicar cap tipe de pròrroga d'acòrd damb er art. 29 LCSP.

7. Airau encargat e responsable deth contracte.

Er airau de Torisme serà er encargat deth seguiment e execucion ordinària d'aguest contracte e era responsable, era Sra. Maria Soledad Ariño Collo, gerenta deth Plan de Sostenibilitat dera Val d'Aran.

8. Critèris d'adjudicacion e mejans de solvència economica-financera e tecnica.

Seràn es que se fixen en Plec de Clàusules administratives.

Per tot açò, **PREPAUSI** que, prealables es tramits que s'estimen oportuns, se hèsque era contractacion prepausada entara execucion d'aguest forniment e servici.

Lòc e data

Vielha, *signat electronicament*

Josep Canut Herraiz

Conselhèr de Torisme, Promocion Economica, Comèrç e Mobilitat